

## QVÆSTIO MEDICA.

CARDINALITIIS DISPVATIONIBVS MANE DISCVTIENDA IN SCHOLIS MEDICORVM

DIE IOVIS XVIII. FEBRVARII.

M. CLAUDIO CHRISTIANO, Doctore Medico, Moderatore.

*An Plethora Arcenda Venus?*

928

**H**OMO ex quo in hos breuioris ac querulæ vitæ scopulos incidit; statam sibi viuendi periodum (quam vix quicquam naturæ legibus conficit) vti absoluat & expleat, ac tam multa quæ per ipsum transeunt mala declinet; penè assiduâ eget Medici peritioris operâ: sæpius quidem ubi versatur in morbi confinio, vel factio gradu præceps in ipsum ruit. At nec si probè temperatus & optimè sanus fuerit; eius consilio tutò carere potest: eoque magis si florens ætas, per quam viscera partisque omnes si perbellè se habeant, maxime autem iecur in temperamenti mediocritate consistat; puri syncerionique sanguinis prouentum facit, aut cetèrè quandam æquabilitatem succorum omnium, qui dum perenni generatione supra iustam & naturæ congruentem mensuram sensum cumulantur & crescunt, heu! etiam bona nostra redundantia mala sunt, eaque inducitur corporis constitutio quæ tametsi bonis est conferta humoribus; hoc tamen vitium circumgerit, quod mille morborum parens sit, ac plerumque incautis non vnica ratione perniciem creet: quippe aliàs molliora vasa vt quæ sunt circa hepar, thoracem, & pulmonem plurimo sanguine turgida nimiumque distenta dehiscunt, aut abrumpuntur; nonnunquam verò & repentè emergunt graues illi affectus quos efficit tunc temporis frequens venarum *ἀπὸ τοῦ* at sæpius earum perspiratione impedita, tuboriuntur febres putridæ, ardentes, & synochi, viscerum inflammationes, syncopæ cardiacæ, ipsa denique mors.

**T**OTIVS cutis sed præsertim faciei color præter consuetudinem rubicundus, paulò difficilior crebriorque spiratio, magna, valida, ac penè vbiuis molesta arteriarum pulsatio, venarum omnium æquabilis tumor & quendam doloris sensum inuehens tensio, vt & amplior pleniorque corporis moles ex qua artus omnes ægrius moveantur, certissima sunt Plethoræ indicia; quæ quò se produnt manifestius, eò periculi plus inesse denunciant, & deplendorum vaforum maiorem afferunt necessitatem. Præceps illa quidem & prope ad summum perducta nullas præbet inducias: sed præsentem Medici non *ἀποσπεῖ* opem efflagitat: lucet hic festinata atque audax illius prudentia: in diem dilatio plerique mors est: nimirum sanguis dum venis clauditur tantæ plenitudinis author; affatim exclusus sanitatis ac vitæ vindex est vnicus. At ubi laudabiles isti venarum succi sensum eâ succrescunt copiâ, quæ vix dum naturæ limites prætergressa, non ita prematur, nisi (quod rarum ac vix vnquam tutum est) sponte & ex ratione solvatur; artis est beneficio corrigenda. Cum hic & vbiq; tenenda sit curandi lex per contraria: quæcunque minuendis humoribus apta in usum reuocabuntur; cedit illa quæ venas omnes occupat plenitudo. In eam rem conferre censentur frictions, inedia, balnea, clysteres, digerentia medicamenta, exercitatio.

**I**NTER hæc præsidia vacationi dicata non infimum tenet gradum quæ & exercitationis debet annumerari blanda res Venus, quam malè damnat Epicurus, ceu nunquam salubrem: Democritus vt in qua homo exiliat ab homine. Natura ea conditione nobis iniecit illius sensum & appetitum, vt & eiusdem salutarem faceret usum, cui nonnulli citra noxam ad senium vsque suffecerunt: quanquam meritò suspecta libido est, quæ venerem affectat sine viribus. Qui firmo integroque sunt corpore, & in ætatis vigore, vel saltem ab eo non procul absunt; si modum (quem longè quam in cibo potuque tenere facilius est) adhibeant, nullo sanitatis dispendio illam exercent. Equidem senes, biliosi, impenitus frigidi, vt & in libidinem proiecti ex ea grauissimos sæpe morbos incurrunt, quos experimento discere, misera prudentia est: & nimia in venerem procacitas, ita prudentiam omnem expectorat; vt dū igneum illi corporis animique vigorem extinguit, amantes non rarò amentes efficiat. At certè cum moderatione & vti decet vsurpata ad tuendam prosperam valetudinem arcendamque plethoram vim atque efficaciam non mediocrem obtinet. Nempe in magna luxuriantium humorum copia corpus, non secus ac nimis fructuosa arbor, femine spirituque multo onustum, decedente nonnulla vtriusque portione recreatur & quasi sarcina lenatum robustius atque ad functiones aptius efficitur. Sic foedos illos virginum colores siue ob suppressi, siue ob congesti sanguinis, feminisve copiam, aut aliud vitium; indeque ortos lethales plerumque morbos, quos alioquin experiri coguntur, quæ nondum viros sunt expertæ; nihil commodius abigit quàm prima venus, & mite illud remedium, virginittis resolutio omni studio acceleranda. Nec ab simili ratione videas infanientem interdum vitio corporis animam ex eiusmodi vacatione, quod ars nulla alia præstitit, quasi miraculo pristinae sapientia: modestiaque restitui.

**V**T multa refecandæ sanguinis exuperantiæ possint imperari destinarique præsidia: nullum tamen æquè salutare & accommodatum est ac venus, quæ sola vtramque paginam facit. Plethorica corpora si quando laborem subeant: & sibi, & Medico nouum creant; magisque si præter morem id præstant: tanta quippe fit corporis atque humorum perturbatio; vt hi turgentis contineri non possint: sed quoquo uersum impulsus foras exiliant: aut impetu in partem aliquampiam irruant: quin & labor viscera concutiens tenues plerumque venas dissumit, vnde emictiones, vomitiones, & expuitiones cruentæ, pleuritides, alique morbi. Inedia cuius impatientissimi qui ad venerem aptissimi, leues quidem morbos, & ex cruditate futuros commodè anteuertit; minimè verò plenitudinem & eos affectus qui ex boni sanguinis vbertate ortus sui primordia sunt accepturi. Quos morbos abstinencia & cibi parsimonia non sustulit, mos est medicatione curare. At neque conducunt quæ hic solent à nonnullis vsurpari. Diaphoretica quæ perspiratu digerere, & sine sensu dissipare creduntur, aut nihil in expurgationis vias adducunt expelluntque foras: aut si obstructions strenuè expediendo id præstant, simul & sanguinem ita venis diffundunt, vt calefactus liquatusque propriis conceptaculis contineri non possit: sed his excidens partibus phlegmonas insigat; vel si coercetur capitis dolores, pulsationes, & febres excitet. Enemata si mouent purgantque efficaciter, ferè in pleniori corpore sunt suspecta: blandiora & quæ eiusmodi virtute destituuntur; alium, non venas exonerant. Balneum vile squalidis, extenuatis, humore melancholico oppressis, & ex febris ardore quasi retorridis, iis insensissimum est qui impuro Plethorice sunt corpore. Frictiones si quid mouent; fanè nihil promouent: summa corporis calefaciant, nec tamen exinaniant: nec si quid vacuant: idcirco iuuant. His omnibus longè tutior esset sanguinis missio diuisa scalpello vena. Sed hanc longo adhuc intervallo post se reliquit venus.

**F**ERRVM non omnes amant, ipsum quæ exhorruerit, bene coloratum virum non exhorrefcet; vt neque hic virginem lætæ & eleganti facie, quæ ruborem in niueo candore gerat, ceu rubra videntur lilia mixta rosis. Est hæc nimirum securissima & iucundissima subducendæ abigendæque plethoræ ratio, quâ redundantes toto corpore humores blandè, ac nullâ violentâ impulsione nullaque aliena qualitate inducta circumscribuntur. Homo quodammodo seipso leuior efficitur: calor ille qui vnâ cum humoribus auctior factus penè extraneus euaserat, minuitur; superflue quidem etiamnum & integro naturali. Corpus denique vniuersum sub lato quasi onere leuatur rariorque redditur: vnde spiraculis ductibusque omnibus patentioribus atque expeditioribus factis, alius sponte soluitur, vrina profunditur vberior, cerebri excrementa defluunt, & quæ à purgationis viâ longius absunt, perspiratione digeruntur. Adhæc promptior motus, libera facillique contingit respiratio, sensus alacrioris euadunt, mentis & rationis vis prius implicita & impedita explicatur. Imprimis vero *ἡμετέριον* & qui amarulentis sunt moribus; depositâ veluti feritate, sensum induunt humanitatis. Ita molesto atque importuno remedium vfu neglecto, per veneris illecebras itur ad sanitatem, quæque est humanæ vitæ condimentum voluptas; & eiusdem tutrix est, & imminetium morborum propulsatrix.

*Ergo Plethora Arcenda Venus.*F.M.P.  
FEBRUARI

Proponebat Lutetiæ PAVLVS COVRTTOIS Meldenfis. A. R. S. H. M. DC. XLIIII.